



UJEDINJENE NACIJE

Međunarodni rezidualni mehanizam za krivične sudove

Međunarodni rezidualni mehanizam za krivične sudove (Mehanizam) osnovao je Savjet bezbjednosti Ujedinjenih nacija 22. decembra 2010. da nastavi nadležnosti, prava, obaveze i ključne funkcije Međunarodnog krivičnog suda za Ruandu (MKSJ) i Međunarodnog krivičnog suda za bivšu Jugoslaviju (MKSJ) nakon okončanja njihovih mandata.

PODACI O PREDMETU

Trenutno je u bjekstvu osam osoba protiv kojih je MKSR podigao optužnice za učešće u genocidu u Ruandi 1994. godine. Mehanizam ima nadležnost nad sljedećom trojicom optuženih: Augustinom Bizimanom, Félicienom Kabugom i Protaisom Mpiranyom. Vlastima u Ruandi proslijeđeni su predmeti protiv preostalih pet bjegunaca: Fulgencea Kayisheme, Charlesa Sikubwabo, Aloysa Ndimbatija, Ryandikayoa i Phénéasa Munyarugarama. Još jedan bjegunac čiji je predmet proslijeđen u Ruandu, Ladislav Ntaganzwa, uhapšen je u Kongu 9. decembra 2015.

MICT-12-09

BJEGUNAC - PHÉNÉAS MUNYARUGARAMA



Phénéas Munyarugarama je imao čin potpukovnika u Oružanim snagama Ruande ("FAR") i bio je najviši oficir i komandant vojnog logora Gako u regionu Bugesera, prefektura Kigali-Rural, u periodu od početka 1993. godine do 14. maja 1994.

Godina i mjesto rođenja

1. januar 1948, okrug Kidaho, prefektura Ruhengeri, Ruanda

Optužnica

Važeća optužnica podignuta 13. juna 2012.

Status predmeta

U bjekstvu od 4. marta 2002.

ISTORIJAT POSTUPKA

OPTUŽNICA

Phénéas Munyarugarama je optužen pred MKSR-om za genocid, saučesništvo u genocidu, direktno i javno poticanje na vršenje genocida i zločine protiv čovječnosti, počinjene u prefekturi Kigali-Rural u Ruandi tokom perioda od aprila do maja 1994. Tokom tog perioda, Munyarugarama je imao čin potpukovnika u FAR-a i bio je komandant vojnog logora Gako i najviši oficir u regionu Bugesera, prefektura Kigali-Rural.

U optužnici se navodi da je otprilike 10 rezervista dovedeno u logor Gako 10. aprila 1994., gdje su po uputstvima Munyarugarama dobili naoružanje iz skladišta oružja logora Gako s ciljem nanošenja povreda i ubijanja Tutsija. U optužnici se navodi da su rezervisti kasnije koristili to isto oružje, djelujući u skladu sa Munyarugaraminim planom i njegovim instrukcijama, poticajima i ohrabrenjem, te uz njegovu pomoć, za nanošenje povreda ili ubijanje Tutsija u regionu Bugesera, uključujući na barikadama u centru Gahembea (sektor Maranyundo, okrug Kanzenze), u crkvi u Nyamati na dan 15. aprila 1994. Ili približno tog datuma i u toku potraga za Tutsima u sektoru Maranyundo u periodu od 15. do 20. aprila 1994.

Prema navodima optužnice, od 10. aprila do početka maja 1994., napadači među kojima su bili i brojni vojnici iz logora Gako, pripadnici žandarmerije, interahamwe i civili iz plemena Hutu naoružani puškama, granatama i mačetama, djelujući u skladu s



Munyarugaraminim planom i uz, između ostalog, njegove instrukcije, poticaj, ohrabriranje i pomoć, izveli su napade velikih razmjera na hiljade Tutsija koji su potražili utočište na različitim lokacijama uključujući kancelarije sjedišta okruga Kanzenze u sektoru Nyamata, katoličku crkvu u Nyamati, u sektoru Kanazi, okrug Kanzenze, katoličkoj crkvi u Ntarami, sektor Ntarama, okrug Kanzenze, osnovnoj školi u Cyugarou i u močvarama Ntarame. U optužnici se navodi da su tokom tih napada ubijene i povrijeđene na hiljade Tutsija.

U optužnici se dalje navodi da je od 8. aprila 1994. do 15. aprila 1994. Munyarugarama, zajedno s ostalima, slao vojnike iz logora Gako, i, u određenim prilikama, i pripadnike *interahamwea* i civile pripadnike plemena Hutu, da nanose povrede i ubijaju Tutsije koji su potražili utočište na različitim lokacijama u regionu Bugesera uključujući, između ostalih, grad Nyamata, kafić u trgovačkog centra Gahembe u opštini Muyange, Institut za nauku i ruralnu agronomiju (*Institut de Science et D'Agronomie Rurale*) u sektoru Mwendu, brdo Kayumba, brdo Rebero, kancelariju zamjenika guvernera prefektуре (*Sous-préfet*) Nyamata i bolnicu u Nyamati, i da pljačkaju imovinu Tutsija.

Optužnici sadrži sljedeće optužbe:

Jedna tačka za genocid (tačka 1)

Jedna tačka za saučesništvo u genocidu (tačka 2)

Jedna tačka za direktno i javno poticanje na vršenje genocida (tačka 3)

Četiri tačke za zločine protiv čovječnosti

- Istrebljivanje (tačka 4)
- Ubistvo (tačka 5)
- Progon (tačka 6)
- Silovanje (tačka 7)

PROSLIJEĐIVANJE PREDMETA U RUANDU

Dana 28. juna 2012., MKSR-ovo Vijeće za prosljeđivanje je naložilo da se predmet protiv Phénéasa Munyarugarama prosljedi vlastima Republike Ruande.

Dana 7. maja 2014., sudija Vagn Joensen, sudija-pojedinac, izdao je nalog za hapšenje i nalog za prebacivanje kojima se od svih država članica UN-a traži da lociraju, uhapsu i prebace Munyarugaramu u nadležnost Državnog javnog tužilaštva Republike Ruande.

U skladu s Rezolucijom Savjeta bezbjednosti 1966 (2010), sve države imaju obavezu da sarađuju s Mehanizmom na lociranju, hapšenju, pritvaranju, predaji i prebacivanju optuženih koji su još u bjekstvu.

Za više informacija, posjetite web stranicu Mehanizma www.irmct.org.
Za medijske upite, pošaljite email na mict-press@un.org.